

Oqaluuserisassanut nassuiaat

(Inatsisartut Siulittaasuat)

Ippassaq ataasinngornermi ulloq 21. oktober ataatsimiinnitsinni oqaluuserisassani immikkoortut 94, 105 aammalu 126 angumerinngitsoorparput, taamaattumillu ullumi ataatsimiinnermi oqaluuserineqartussatut ingerlateqqinneqarsimallutik.

Immikkoortut pineqartut tassaapput:

Immikkoortoq 94: Meeqqat 18-inik ukioqalernissami tungaanut pisortat ingerlataannik angalatitsiviit aqputigalugit angalasussaatillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allannortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni.

Immikkoortoq 105: Soraarninngornikut pisortat ingerlataannik angalatitsiviit aqputigalugit akikinnerusumik angalasinnaanerat ukioq naallugu atuutilernissaa aammalu soraarninngornikunut billetsit ukioq naallugu killeqanngitsumik pisiassaasinnaanerat aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq soraarninngornikut akikinnermik angalasarnerannut malittarisassat allannortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni.

Immikkoortoq 126: Pisortat namminersortullu suliffeqarfiini sulilerlaat tamarmik sullivimmi isumannaallisaanermik ilinniagaqarsimanissaasa inatsisitigut piunasaqaataalernerata aningaasatigut allaffissornikkullu kingunerisassaasa ersersinneqarnissaat siunertaralugu nassuiaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaat UKA 2025 nallertinnagu Inatsisartunut agguaanneqassaaq.

Siunnersuuteqartoq aalajangiiffigisassatut siunnersuutimi immikkoortup 74-ip tunuartinneqarnissaanik qinnuteqarpoq.

Immikkoortoq 74 oqaluuserisassanit tunuartinneqarpoq.

Immikkoortup 74-ip qulequtaraa: Pisortat pigisaannik filmiortitseqatigiiffimmik atortorissaarutinillu pisariaqartinneqartunik pilersitsisinnissamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.

Taasisarnerit pillugit uku akornanni isumaqatigiissuteqartoqarpoq:

Múte B. Egede, Inuit Ataqatigiit aamma Knud Mathiassen, Naleraq.

Jens-Frederik Nielsen, Demokraatit aamma Karl Tobiassen, Siumut.